

DIATROL CAPSULE®

Loperamide Hydrochloride (2mg)

Apakah yang ada pada risalah ini

1. Apakah kegunaan Diatrol Capsule
2. Bagaimana Diatrol Capsule berfungsi
3. Sebelum menggunakan Diatrol Capsule
4. Cara menggunakan Diatrol Capsule
5. Semasa menggunakan Diatrol Capsule
6. Kesan-kesan sampingan
7. Cara penyimpanan dan pelupusan Diatrol Capsule
8. Maklumat Lanjut
9. Pengilang dan Pemegang Pendaftaran Produk
10. Tarikh kemaskini RiMUP

Apakah kegunaan Diatrol Capsule

Diatrol Capsule digunakan untuk mengawal dan melegakan cirit-birit akut dan cirit-birit kronik yang berkaitan dengan penyakit keradangan usus. Pada orang yang mempunyai ileostomi (prosedur pembedahan di mana usus kecil akan disalurkan melalui pembukaan pada abdomen untuk mengeluarkan sisa keluar dari badan), ia boleh digunakan untuk mengurangkan bilangan dan jumlah najis.

Bagaimana Diatrol Capsule berfungsi

Bahan aktif dalam ubat itu adalah loperamide, memanjangkan masa transit kandungan usus. Ia mengurangkan jumlah najis harian, meningkatkan kelikatan dan ketumpatan pukal, dan mengurangkan kehilangan cecair dan elektrolit melalui kedua-dua cara iaitu meningkatkan penyerapan usus dan mengurangkan rembesan usus.

Sebelum menggunakan Diatrol Capsule

- Bila tidak boleh mengambil

Jangan mengambil Diatrol Capsule:

- Jika anda mempunyai hipersensitiviti kepada Loperamide atau bahan-bahan lain dalam produk ini.
- Jika anda mempunyai sembelit usus besar.
- Jika anda mempunyai keradangan kolon akut yang boleh disebabkan oleh antibiotik berspektrum luas.
- Jika anda mempunyai *acute dysentery* yang mempunyai gejala-gejala seperti najis berdarah dan demam tinggi.
- Jika kanak-kanak anda di bawah 6 tahun.
- Jika anda menyusukan badan

- Sebelum menggunakan Diatrol Capsule

Anda perlu semak dengan doktor anda:

- Jika anda atau fikir anda mungkin hamil
- Jika anda merancang untuk hamil
- Jika anda mempunyai penyakit kencing manis
- Jika anda mengalami cirit-birit akut yang dikaitkan dengan bakteria
- Jika anda kekurangan air dan garam dalam badan
- Jika anda mempunyai masalah hati.
- Jika anda mengalami cirit-birit akut dan keadaan anda tidak bertambah baik selepas 2 hari

Diatrol Capsule boleh digunakan semasa mengandung apabila diperlukan pada keadaan sahaja.

- Jika menggunakan ubat- ubat lain

Terdapat beberapa ubat-ubatan yang tidak boleh diambil bersama Diatrol Capsule. Adalah penting untuk memberitahu doktor anda atau ahli farmasi mengenai semua ubat-ubatan yang anda ambil, termasuk yang diperolehi tanpa preskripsi doktor. Anda perlu berbincang dengan doktor atau ahli farmasi anda jika anda mengambil ubat- ubatan yang berikut:-

- Ubat-ubatan yang digunakan untuk merawat dengupan jantung yang tidak teratur. Contohnya quinidine.
- Ubat-ubatan yang digunakan untuk merawat jangkitan HIV. Contohnya ritonavir.

Ubat-ubatan lain yang tidak disenaraikan di atas juga boleh berinteraksi dengan Diatrol Capsule.

Cara menggunakan Diatrol Capsule

- Berapa banyak harus digunakan

Anda perlu mengambil Diatrol Capsule dengan betul seperti yang dinasihatkan oleh doktor atau ahli farmasi. Jumlah yang anda ambil setiap hari akan bergantung kepada keadaan anda.

Untuk dos dewasa :

Untuk cirit-birit akut, dos permulaan yang disyorkan adalah 2 kapsul (4mg) diikuti dengan 1 kapsul (2mg) selepas episod cirit-birit. Dos harian tidak boleh melebihi 8 kapsul (16mg). Jangan mengambil lebih atau kurang daripada dos yang ditetapkan oleh doktor anda .

Untuk cirit-birit kronik, dos permulaan yang disyorkan bagi loperamide adalah 2 kapsul (4mg) diikuti dengan 1 kapsul (2 mg) selepas setiap episod cirit-birit sehingga cirit-birit dikawal, selepas itu dos perlu dikurangkan untuk memenuhi keperluan individu. Apabila dos harian yang optimum telah ditetapkan, maka jumlah ini perlu diambil sebagai dos tunggal atau dos berbahagi.

- Bila perlu digunakan

Sila rujuk kepada doktor dan ahli farmasi.

-Berapa lama perlu digunakan

Ikut arahan yang telah ditetapkan oleh doktor.

- Jika terlupa menggunakan

Jangan gandakan dos anda untuk menggantikan dos yang terlepas. Ambil dos seperti biasa bila tiba waktu untuk dos seterusnya seperti biasa.

- Jika mengambil berlebihan (erlebih dos)

Jika anda mengambil terlalu banyak ubat-ubatan dengan tidak sengaja, hubungi doktor anda dengan segera atau mendapatkan rawatan perubatan. Pengambilan loperamide yang berlebihan boleh menyebabkan sembelit, tekanan pada sistem saraf pusat dan kerengsaan gastrousus.

Semasa menggunakan Diatrol Capsule

- Perkara yang perlu dilakukan

Ambil Diatrol Capsule mengikut arahan doktor.

- Perkara yang tidak dilakukan

Jangan kongsi ubat - ubatan anda dengan orang lain walaupun mereka mengalami keadaan yang sama.

-Perkara yang perlu diberi perhatian

Rujuk doktor atau ahli farmasi anda untuk mendapatkan nasihat jika anda mengalami mana-mana kesan sampingan yang dinyatakan.

Kesan-kesan Sampingan

Seperti semua ubat-ubatan lain, Diatrol Capsule boleh menyebabkan kesan sampingan, walaupun tidak semua orang akan mengalaminya. Kesan sampingan yang dilaporkan semasa kajian klinikal dengan loperamide HCl umumnya tidak serius. Kebanyakan biasanya diperhatikan semasa rawatan cirit-birit kronik.

Aduan-aduan berikut pernah dilaporkan seperti sakit perut, sembelit, mengantuk atau pening, mulut kering, loya dan muntah-muntah, keletihan, tindak balas hipersensitiviti (termasuk ruam kulit).

Anda boleh melaporkan sebarang kesan sampingan atau kesan advers ubat kepada Pusat Pemantauan Kesan Advers Ubat Kebangsaan melalui No.Tel : 03 78835550, atau laman web portal.bpfk.gov.my (*Consumers→ Reporting*).

Cara penyimpanan dan pelupusan Diatrol Capsule

- Penyimpanan

Simpan pada suhu di bawah 30°C. Lindungi daripada cahaya.

- Pelupusan

Ubat-ubatan tidak harus dilupuskan melalui air buangan atau sisa isi rumah. Sila rujuk kepada ahli farmasi anda mengenai cara untuk melupuskan ubat yang tidak diperlukan lagi. Langkah-langkah ini dapat membantu melindungi alam sekitar..

Maklumat Lanjut

- Rupa dan Warna Produk

Kapsul: Hijau / Kelabu, kapsul yang mengandungi serbuk putih halus.

-Bahan-bahan Kandungan

- Bahan aktif

- Loperamide Hydrochloride

- Bahan tidak aktif

- Sodium Starch Glycolate
 - Lactose
 - Polyvinylpyrrolidone (PVP) K-90
 - Corn Starch
 - Isopropyl Alcohol
 - Sodium Lauryl Sulphate
 - Magnesium Stearate
 - Deionized Water
-

- Nombor MAL

MAL10080051AZ

Pengilang

Sunward Pharmaceutical Sdn. Bhd.
No.9,11 & 17, Jalan Kempas 4, Taman Perindustrian Tampoi Indah,
81200 Johor Bahru, Johor, Malaysia.

Pemegang Pendaftaran Produk

Sunward Pharmaceutical Sdn. Bhd.
No.9,11 & 17, Jalan Kempas 4, Taman Perindustrian Tampoi Indah,
81200 Johor Bahru, Johor, Malaysia.

Tarikh Kemaskini RiMUP

01/09/2015

Nombor siri:

BPFK(R4/1)270815/00289